

## **V Curso de Verán sobre Dinamización Lingüística Traballando en Lingua Do compromiso individual aos argumentos**

### **Introdución**

Os diferentes cursos de verán que até o momento se realizaron na Universidade da Coruña baixo o título “Traballando en Lingua” estiveron centrados quer na perspectiva da extensión do uso da lingua galega quer nas ligazóns entre alfabetización tecnolóxica e extensión dos usos da lingua.

Diante da actual situación de perda de transmisión interxeracional e de falta de estímulos positivos á hora de deseñar accións normalizadoras, faise necesario achegarmos esta realidade ao curso de verán. Hoxe por hoxe sería moi difícil continuar a traballarmos en lingua sen nos determos a reflexionar sobre un momento especialmente preocupante para garantir un maior emprego do galego. Por outra parte, precisamos tamén crear discursos entusiastas, críticos e esperanzados sobre as posibilidades de reverter o avanzado proceso de substitución lingüística e ligar o futuro do idioma coa problemática específica do seu pasado. A necesidade de aplicar políticas lingüísticas desde as institucións públicas non pode obviar que nada será posible sen un compromiso real das persoas falantes que, por tanto, precisan sentirse apoiados na súa vontade de se construíren en galego.

Trátase, por tanto, de procurar no compromiso individual o desenvolvemento de prácticas lingüísticas que poidan servir como motor do necesario impulso colectivo desde a sociedade civil para, deste xeito, favorecer os cambios institucionais que foren precisos para nos dotarmos de mellores instrumentos e argumentos de compromiso coas linguas e cos pobos.

Nesta pescuda deseñamos un programa innovador, en que o máis importante será a participación construtiva das persoas asistentes que serán as responsables de chegarmos a conclusións de interese. O Servizo de Normalización Lingüística da UDC, en colaboración coa Coordinadora de Traballadoras e Traballadores de Normalización da Lingua, ofrece espazos e elementos de debate coa intención de xerar discursos tras escoitar voces que nos transmitan a súa experiencia e de reflexionar sobre a creación de novos referentes que guíen o camiño. Velaquí, pois, o reto por que decidimos apostar nesta nova edición de Traballando en Lingua.

### **Liñas temáticas do curso:**

- Reflexionar sobre a realidade da lingua galega na actualidade.
- Introducir casos prácticos de compromiso individual co idioma.



- escoitar as razóns para o mantemento lingüístico e para as mudanzas de idioma no caso galego.
- Avaliar as posibilidades de éxito das políticas lingüísticas institucionais.
- Ofrecer argumentos a prol do uso da(s) lingua(s).
- Recoñecer o pasado inmediato como un espazo para confluír na modificación das actitudes.

### **Lugar e datas**

15, 16 e 17 de xullo

Concello de Carballo  
Pazo da Cultura  
Rúa do Pan s/n  
15100 Carballo (A Coruña)

### **Duración**

25 horas

### **Persoas destinatarias**

Todas aquelas persoas interesadas na dinamización lingüística e no proceso de normalización da lingua galega, especialmente as que traballen nestes ámbitos específicos: estudantado; técnicos/as de normalización lingüística; técnicos/as de cultura; animadores/as socioculturais; asistentes/as sociais; docentes (de primaria, de secundaria e de ciclos formativos).

### **Custo da actividade**

**30 euros** para as persoas que pertenceren aos seguintes colectivos: comunidade universitaria, persoas desempregadas, persoal da UDC e socios/as da CTNL (Coordinadora de Traballadoras e Traballadores de Normalización da Lingua)

**50 euros** para todas as demais persoas participantes

O pagamento da actividade inclúe a entrega de toda a documentación que se utilice durante o curso, a asistencia ás actividades complementarias e o xantar dos dous días en que hai xornada completa.

Esta actividade financiarase con cargo á partida orzamentaria 9890.9995.422D.226.06 (Actividades de formación, Servizo de Normalización Lingüística) da UDC.

### **Inscripción**

A folia de preinscripción, que se publicará xunto coa convocatoria do curso na páxina web do Servizo de Normalización Lingüística da UDC ([www.udc.es/snl](http://www.udc.es/snl)), terá que se entregar neste servizo **antes das 14:00 h do 23 de xuño** de 2009. A relación de persoas admitidas publicarase na páxina web do Servizo. Poderán formalizar definitivamente a matrícula **até**



**as 14:00 h do 6 de xullo**, tras pagaren a cantidade correspondente a través do formulario que se lles facilitará no Servizo de Normalización Lingüística e na Oficina de Cursos e Congresos (Casa do Lagar, campus de Elviña) e tamén na páxina web [www.udc.es/snl](http://www.udc.es/snl). O xustificante de pagamento deberá ser entregado no Servizo de Normalización Lingüística **até o día 9 de xullo**.

O máximo de persoas que poderán participar é de 60. De existiren máis solicitudes que prazas, seguirase a orde de entrada das solicitudes de preinscrición.

Para obter o certificado é obrigatorio asistir ao 90% das horas programadas.

### **Organización**

Servizo de Normalización Lingüística da Universidade da Coruña, en colaboración co Concello de Carballo e a Coordinadora de Traballadoras e Traballadores de Normalización da Lingua.

A Coruña, 1 de xuño de 2009

O vicerreitor de Cultura e Comunicación

Luís Caparrós Esperante